



ORANJESTAD - Ay, por ay mi a tende cu haltura ta nos cultura. Wel, mi a yega algun dia pasa y mi a bebe casi tur dia pero!

Mi ta haya cu despues di un aña basta intenso mester admiti e realidad y duna cesar

locual ta di cesar. Nos hende de isla ta dushi y mi no kier tende otro.

Di berdad, mi a bin Aruba december pasobra mi tabata core riba empty ora e tabata yega na contexto cu directamente ta relaciona cu e isla.

Skirbi pa Yakari Gabriel:

Haltura? no, no ta dulsura ta nos cultura

E ta duro pa skirbi tocante cosnan cu bono ta mira cu bo mesun wowonan, e ta duro pa duna opinionnan concreto tocante bo comunidad ora bo no t'ey. Pero mas mi bay y mas mi bin bek, mas mi ta comprende e loyal visitors ney cu ta haya certificado pasobra nan tin 25 aña tras di otro ta bishita Aruba tur zomer. Claro cu pa nos cu ta bay y bin, nos tin otro perspectiva cu esunnan cu ta biba akinan.

E ta un tiki tristo pa pensa si cu mi mester a subi un avion y bay 10 ora leu pa por comprende di berdad con bunita hende Caribense en general ta y con hopi mi tabata 'take for granted' manera nan ta bisa.

Kico ta haci nos asina cordial y amabel, di berdad mi no sa. Tin algo den aire, nos ta dushi hende. Asina cu tur nos defectonan, cu tur locual nos no sa, cu tur nos limitacionnan, cu tur nos gana di husga y haci di mas constantemente. Na Aruba, unda cu bo yega nan ta bisa bo bon dia, hende ta pidi sorry si nan dal den bo, nan ta puntra bo con a bay, nan ta corda bo cara. Na Aruba, e cashier nan ey cu bo ta frecuente na supermarket cu tempo ta bira un parti di bo, e guy cu ta pomp gasolin ta bira bo amigo, bo juffrouwnan di scol ta pendiente di bo bida pafo di scol.

Pues "Den mi cabezo" e siman aki, tin e comunidad cu a cria

mi. E comunidad cu ta yama tur hende "dushi", esun cu ta go the extra mile pa abo sinti bo bon. Laga un banda con nos tur ta decepciona otro tin biaha y pensa mas leu. Pensa riba cuanto biaha bo sucu a caba y bo a djis core bay cerca bisiña y puntr'e pa un tiki. Pensa riba tur bo primo y primanan cu nunca ta bisa ki ora nan ta yega, nan djis yega cas y bebemento di koffie ta bira un fiesta. Con riba e isla, un stranhero cu un simpel con bay ta bira bo amigo. Prome mi bira mucho emocional, mi djis kier bisa mi stima Aruba. Awe, mañan y semper.

Yakari